

JP NIO SLUŽBENI LIST BiH
SARAJEVO

Na osnovu člana 10. stav 1. tačka e) Zakona o javnim nabavkama („Službeni glasnik BiH“ broj:39/14- u daljem tekstu –Zakon o javnim nabavkama) i Odluke o pokretanju postupka nabavke usluga koje su izuzete od primjene Zakona o javnim nabavkama broj 1-1-01-1-390/6-21 od 14.12.2021. godine, JP NIO Službeni list BiH raspisuje

JAVNI POZIV

Za prikupljanje ponuda za zakup parkirnih garažnih mjesta u Sarajevu

1. Predmet javnog poziva

JP NIO Službeni list BiH, sa sjedištem u ul. Džemala Bijedića 39/III Sarajevo, ima potrebu za rješavanjem pitanja parkiranja službenih automobila, odnosno zakupom 4 parkirna garažna mjesta i to:

- Na lokaciji Otoka, ulica Džemala Bijedića 39 - 3 parkirna garažna mjesta (jedno parkirno garažno mjesto od 00-24,00 sati i dva parkirna garažna mjesta od 08-18,00 sati)
- Na lokaciji Koševsko brdo, ulica Nusreta Šišića Dede A2 - 1 parkirno garažno mjesto od 00-24,00 sati.

Zakup parkirnih garažnih mjesta je izuzet od primjene Zakona o javnim nabavkama, u skladu s članom 10. stav 1. tačka e) Zakona o javnim nabavkama, kojim je propisano da su od primjene odredbi Zakona o javnim nabavkama izuzeti ugovori o kupovini ili zakupu postojećih zgrada, druge nepokretne imovine, zemljišta ili prava koja iz njih proističu, bilo kojim finansijskim sredstvima, uz obavezu ugovornog organa da osigura transparentnost te procedure.

Procijenjena vrijednost Ugovora u zakupu parkirnih garažnih mjesta iznosi 8.700,00 KM bez PDV-a.

Plaćanje usluga zakupa će se vršiti mjesečno, na osnovu ispostavljene mjesečne fakture.

Cijena zakupa je fiksna.

Rok važenja Ugovora o zakupu parkirnih garažnih mjesta je 31.12.2022.godine.

2. Sadržaj ponude

Ponuda mora da sadrži slijedeću dokumentaciju:

- Naziv/ime i tačna adresa/kontakt telefon ponuđača i ime odgovornog lica ponuđača;

- Potpisana i ovjerena Izjava ponuđača da su parkirna garažna mjesta koja se nude u zakup u vlasništvu zakupodavca;
- Tačna adresa parkirnih garažnih mjesta koja se daju u zakup;
- Opis parkirnih garažnih mjesta;
- Cijena zakupa u KM po parkirnom garažnom mjestu.

Napomena: ukoliko je zakupodavac (pravno ili fizičko lice) suvlasnik nekretnine koju daje u zakup, neophodna je saglasnost za davanje u zakup svih suvlasnika nekretnine.

3. Pravo učešća

Pravo učešća u ovom Javnom pozivu imaju sva fizička i pravna lica – vlasnici ponuđenih parkirnih garažnih mjesta koji svoje ponude dostave u predviđenom roku s kompletnom dokumentacijom traženom ovim Javnim pozivom.

4. Kriteriji za izbor najpovoljnije ponude

Kriterij za izbor najpovoljnije prihvatljive ponude za zakup parkirnih garažnih mjesta je ekonomski najpovoljnija ponuda sa sljedećim kriterijima:

- najniža cijena godišnje zakupnine- 70% i

- udaljenost parkirnih garažnih mjesta od lokacija navedenih u ovom Javnom pozivu- 30%.
Prihvatljiva ponuda shodno ovom Javnom pozivu je ponuda koja ispunjava sve uslove iz predmeta ovog Javnog poziva.

JP NIO Službeni list BIH zadržava pravo da ne prihvati ponudu koja u finansijskom, funkcionalnom, upotrebonom ili bilo kojem drugom smislu nije odgovarajuća i /ili ne zadovoljava minimalne uslove tražene ovim Javnim pozivom.

5. Rok i način dostave ponuda

Rok za prijem ponuda iznosi 5 (pet) dana od dana objave u dnevnim novinama (krajnji datum za prijem ponuda je 04.01.2022.godine do 11:00 sati).

Ponude sa traženom dokumentacijom dostaviti na adresu: JP NIO Službeni list BiH, Džemala Bijedića 39/III, Sarajevo, sa naznakom: „Ponuda za zakup parkirnog garažnog mjesta“.

Neblagovremene i nepotpune ponude neće se razmatrati.

6. Ostalo

Zainteresovani ponuđači mogu tražiti pojašnjenje vezano za predmetni poziv na broj telefona 033/722-043 ili slanjem upita na e-mail adresu ana.dzino@slist.ba.

Po isteku naznačenog datuma za dostavljanje ponuda, ponuđači više ne mogu tražiti pojašnjenja u vezi sa ovim Javnim pozivom.

JP NIO Službeni list BiH ne snosi nikakve troškove ponuđača nastale po ovom javnom pozivu.

Javni poziv je objavljen na web stranici JP NIO Službeni list BiH: www.sluzbenilist.ba, a sažetak Javnog poziva u dnevnom listu: „Dnevni avaz“.

Napomena: Shodno članu 10. stav 1. tačka e) Zakona o javnim nabavkama, na predmetni Javni poziv ne primjenjuju se odredbe navedenog Zakona.

JP NIO Službeni list BiH